

密縣志

卷九	典禮志
卷十	學校志
卷十一	財賦志
卷十二	自治志
卷十三	實業志
卷十四	兵防志



有子若 字子有一字子若魯人

祭品每案 帛一 豕一 鉶一 簠一 簋一 籩四 豆四 豕首一 白磁爵三

十二哲西六位

冉子耕 字伯牛魯之鄆人仲弓之族

宰子予 字子我魯人

冉子求 字子有仲弓之族

言子偃 字子游吳人

顓孫子師 字子張陳人

朱子熹 字仲晦婺源人

祭品與東六位同

# 密縣志

## 卷九 典禮

二

河南印刷局印

東廡先賢

公孫子僑 字子產鄭人

林子放 魯人

原子憲 字子思魯人

南宮子縉 一名适又名說字子容孟僖子之子孟懿子之兄

商子瞿 字子木魯人

漆雕子開 字子若蔡人

司馬子耕 家語名犁字子牛本宋桓氏

梁子鱣 字子魚史記字叔魚齊人

冉子儒 字子魯家語作子魚魯人

伯子虔 字子折家語字楷魯人

冉子季 字子產魯人

漆雕子徒父 字子有魯人家語漆雕從字子文蔡人子開之宗族

漆雕子哆 家語哆作侈字斂魯人

公西子赤 字子華魯人

任子不齊 字選家語字子選楚人

公良子孺 字子正一作子幼陳人

公肩子定 字子中家語子仲魯人

鄒子單 字子家衛人

罕父子黑 字子索一字子素魯人

# 密縣志

## 卷九 典禮

三

河南印刷局印

榮子旗 字子棋魯人

左子人郢 字行家語作左郢字子行魯人

鄭子國 字子圖魯人一作薛邦

原子亢 家語作原桃字子籍魯人

廉子潔 字子曹史記字庸衛人

叔仲子會 字子期魯人

公西子輿如 字子上魯人

邾子巽 字子斂家語字子飲魯人

陳子亢 字子禽一字子亢陳人

琴子張 字子開家語名宰字子張

步叔子乘 字車齊人

秦子非 字子之魯人

顏子噲 字子升魯人

顏子何 字冉素隱云字稱

縣子亶 一作豐字子象

牧子皮

樂正子克 字正子齊人孟子弟子

萬子章 孟子弟子

周子敦頤 字茂叔道州營道縣人

程子顥 字伯淳河南人

# 密縣志

## 卷九 典禮

四

河南印刷局印

東邵子雍 字堯夫河南人

廡先儒

公羊氏高 齊人受經於卜子夏

伏氏勝 字子賤濟南人或曰即宓不齊之後□與伏通誤爲宓云

毛氏亨 魯國人

孔氏安國 字子國魯人孔子十一世孫

毛氏萇 字默一字長公趙人

杜氏子春 字時元河南緱氏人

鄭氏玄 字康成北海高密人

諸葛氏亮 字孔明瑯琊人

王氏通 字仲淹河汾人

韓氏愈 字退之南陽人

胡氏瑗 字翼之秦州人

韓氏琦 字稚圭相州人

楊氏時 字中立南劍人

謝氏良佐 字顯道上蔡人

尹氏焯 字彥明一字德充洛人

胡氏安國 字康侯崇安人

李氏侗 字惠中劍浦人

呂氏祖謙 字伯恭號東萊婺州人

# 密縣志

## 卷九 典禮

五

河南印刷局印

袁氏燮

黃氏幹 字直卿號勉齋閩縣人

輔氏廣 宋人

何氏基 字子恭金華人

文氏天祥 字宋瑞號文山吉水人

王氏柏 字會之金華人

劉氏因 字夢吉保定容城人

陳氏澔 字可大都昌人

方氏孝孺 字希直寧海人

薛氏瑄 字德温河津人

胡氏居仁 字叔心餘干人

羅氏欽順 字允升號整庵秦和人

呂氏枏 字仲木號涇野高陵人

劉氏宗周 字起東山陰人

孫氏奇逢 字啟泰一字鍾元直隸容城人

黃氏宗羲 字太冲浙江餘姚人

張氏履祥 字考夫桐鄉人

陸氏隴其 字稼書浙江平湖人

張氏伯行 字孝先號敬庵儀封人

湯氏斌 字孔伯一字荆峴號潛庵睢州人

# 密縣志

## 卷九 典禮

六

河南印刷局印

顏氏元 字渾然博野人

祭品四位一案每案 帛一 簋一 簋一 籩四 豆四

銅爵各一 羊三 豕三 分作七十九分西廡分作七十七分每位一分

西廡先賢

蘧子瑗 字伯玉衛大夫

澹臺子明 字子羽魯人

宓子不齊 字子賤魯人

公冶子長 字長魯人

公西子哀 字季沉史記作季次齊人系出姬姓

高子柴 字子羔檀弓作子臯齊人

樊子須 字子遲魯人

商子澤 字子季魯人許衡云齊人

巫馬子施 字子期陳人史記曰魯人

顏子辛 字子柳魯人史記作顏辛

曹子邴 字子循蔡人

公孫子龍 字石楚人

秦子商 字丕茲魯人史記字子丕鄭康成曰楚人

顏子高 家語作顏刻字子驕

壤駟子赤 字子徒家語作穰徒從秦人

石子作蜀 字子明家語石子蜀成紀人

密縣志

卷九 典禮

七

河南印刷局印

公夏子首 字乘法語公夏守字子乘一字子元魯人

后子楚 字子里家語石楚字堅之齊人

奚容子蒧 字子哲家語奚蒧字子偕魯人

顏子祖 字襄家語顏相字子襄魯人

句子井疆 字子疆一字子野家語句作勾衛人

秦子祖 字子南家語字子白秦人

縣子成 字子祺家語子橫魯人

公祖子句茲 字子之家語無句字魯人

燕子伋 字思家語作伋字子思秦人

樂子欬 家語樂欣字子聲魯人



狄子黑 字哲家語字哲之衛人

孔子忠

公西子葳 字子上家語作子尚魯人

顏子之僕 字叔家語字子叔魯人

施子之常 字子恆魯人

申子根 字子周魯人

左子丘明 中都人楚史倚相之後或曰魯人

秦子冉 開封志蔡人

公明子儀

公都子 孟子弟子

# 密縣志

## 卷九 典禮

八

河南印刷局印

公孫子丑 齊人

張子載 字子厚世大梁人父迪仕涪州卒於官僑寓鳳翔郿縣橫渠

程子頤 字正叔明道先生之弟

西廡先儒

穀梁氏赤 魯人受春秋之說于子夏

高堂氏生 字伯魯人

董氏仲舒 廣川人

劉氏德

后氏倉 字近君東海剡人

許氏慎 字叔重汝南召陵人

趙氏岐 字邠卿京兆長陵人

范氏甯 字武子鄆陵人

陸氏贄 字敬輿蘇州嘉定人

范文仲淹 字希文蘇州吳縣人

歐陽氏修 字永叔廬陵人

司馬氏光 字君實陝州夏縣人

游氏醅 字定夫建陽人

呂氏大臨 字與叔藍田人

羅氏從彥 字仲素南劍人

李氏綱 字伯紀無錫人

# 密縣志

## 卷九 典禮

九

河南印刷局印

張氏棫 字敬夫號南軒

陸氏九淵 字子靜金谿人

陳氏淳 字安卿龍溪人

眞氏德秀 字景元更字希元浦城人

蔡氏沈 字仲默建甯府建陽縣人

魏氏了翁 字華父浦江人

趙氏復 字仁甫德安人

金氏履祥 字吉父婺之蘭溪人

陸氏秀夫 字君實鎮江人

許氏衡 字仲平河內人

吳氏澄 字幼清撫州崇仁人

許氏謙 字益之金華人

曹氏端 字正夫澠池人

陳氏獻章 字公甫新會人

蔡氏清 字介夫晉江人

王氏守仁 字伯安餘姚人

呂氏坤 字新吾甯陵人

黃氏道周 字幼平漳浦人

王氏夫之 字而農號薑齋湖南衡陽人

陸氏世儀 字道威江蘇太倉州人

# 密縣志

## 卷九 典禮

十

河南印刷局印

顧氏炎武 字甯人江南崑山人

李氏璠 字剛主直隸蠡縣人

祭品與東廡同

至聖先師孔廟禮節

祀日屆時正獻以下皆具祭服集致齋所正獻盥手閱祝版署名訖司祝進奉於祝案俟鼓三嚴贊引引正獻入大成門右門分贊引分獻傳贊引陪祀員隨入典儀贊樂舞生就位執事員各司其事贊獻官就位正獻分獻及陪祀員各就拜位北嚮立贊闢戶有司闢戶訖贊迎

神司樂贊舉迎

神樂奏昭和之章起祝縛鐘鳴擊編鐘樂作贊引贊四拜傳贊贊衆官皆拜正獻分獻及

陪祀員皆行四拜禮跪拜再拜三拜四拜興樂止擊特磬戛敔贊奠帛爵行初獻禮司帛爵各捧帛爵就前向上立司樂贊舉初獻樂奏雝和之章起祝司帛爵各進

神位前立鑄鐘鳴擊編鐘樂作贊引贊詣奠帛位引正獻入殿右門詣帛案前立贊獻帛  
正獻授帛拱舉仍授司帛奠於正案正中退贊詣獻爵位引正獻詣爵案前立贊獻爵  
正獻受爵拱舉仍授司爵司爵奠於爵墊正中退贊復位引正獻仍由殿右門出復拜  
位立分贊引分獻入殿左右門分就

配位

哲位前引兩廡分獻分就兩廡

先賢

先儒位前立受帛爵拱舉仍授司帛爵獻於案上退司祝就祝案前捧祝版至案左先立

## 密縣志

### 卷九 典禮

十一

河南印刷局印

樂暫止贊引贊詣讀祝位引正獻進殿右門詣讀祝位正立典儀贊讀祝司祝讀祝畢

正獻受祝版拱舉仍授司祝司祝奉祝版至

至聖先師孔子位前安於筐內退樂復作贊引贊復位引正獻出殿右門復拜位立贊四拜傳贊贊衆官皆拜正獻分獻及陪祀員皆行四拜禮跪拜再拜三拜四拜興樂止擊特磬戛敔贊行亞獻禮司爵捧爵就前向上立司樂贊舉亞獻樂奏熙和之章起祝司爵各進

神位前立鑄鐘鳴擊編鐘樂作贊引贊詣獻爵位引正獻進殿右門詣爵案前立贊獻爵  
正獻受爵拱舉仍授司爵奠於爵墊左退贊復位引正獻出殿右門復拜位立分贊引  
分獻各就案前獻爵如初奠於左退樂止擊特磬戛敔典儀贊行終獻禮司爵捧爵就  
前向上立司樂贊舉終獻樂奏淵和之章起祝司爵各進

神位前立鑄鐘鳴擊編鐘樂作贊引贊詣獻爵位引正獻進殿右門詣爵案前立贊獻爵正獻受爵拱舉仍授司爵奠於爵墊右退贊復位引正獻出殿右門復拜位立分贊引分獻各就案前獻爵如亞獻儀奠於右退樂止擊特磬戛敵典儀進至殿東西向立贊賜福胙退贊引贊詣飲福受胙位引正獻進殿右門詣飲福受胙正立捧福胙二員捧福胙至

神位拱舉退立正獻之右接福胙二員進立正獻之左贊引贊飲福酒正獻受爵拱舉授於左贊受胙正獻受胙拱舉授於左贊復位引正獻出殿右門復拜位立贊四拜傳贊贊衆官皆拜正獻分獻及陪祀員謝福胙皆行四拜禮跪拜再拜三拜四拜興贊徹饌司樂贊舉徹饌樂奏昌和之章起祝鑄鐘鳴擊編鐘樂作司爵各進神位前徹籩豆各一少移故處退樂止擊特磬戛敵典儀贊送

## 密縣志

### 卷九 典禮

十一

河南印刷局印

神司樂贊舉送

神樂奏德和之章起祝鑄鐘鳴擊編鐘樂作贊引贊四拜傳贊贊衆官皆拜正獻分獻及陪祀員皆行四拜禮跪拜再拜三拜四拜興樂止擊特磬戛敵典儀贊奉祝帛送燎司祝帛爵各進

神位前恭捧祝帛酒饌依次送往燎爐時贊引引正獻轉立西旁俟祝帛過畢仍引復拜位立司燎數帛典儀贊闔戶有司闔戶訖贊禮成贊引引正獻出大成右門分獻以下隨出至致齋所更衣各退

崇聖祠

木金父

孔子五世祖封肇聖王

祁父公

孔子高祖封裕聖王

防叔公 孔子曾祖封詒聖王

伯夏公 孔子之祖封昌聖王

叔梁公 孔子之父封啟聖王

祭品 帛五 牛一 羊一 豕一 鉶一 簠二 簋二 籩八 豆八

配位先賢

孔氏孟皮 孔子之兄

顏氏無繇 字路復聖回之父

曾氏點 字子皙宗聖參之父

孔氏鯉 字伯魚孔子之子子思之父

孟孫氏激 字公宜亞聖軻之父

# 密縣志

## 卷九 典禮

十三

河南印刷局印

祭品 每位一案 帛一 豕首一 簠一 簋一 籩一 籩四 豆四 豕肉一 每位銅爵三

東廡

周氏輔成 字伯大周子敦頤父

程氏珦 字伯溫程子顥頤之父

蔡氏元定 字季通蔡氏沉之父

西廡

張氏迪 字□甫張子載之父

朱氏松 字喬年朱子熹之父

祭品 東西各一案 帛各一 簠一 簋一 籩四 豆四 豕肉一 每位銅爵三

崇聖祠行禮禮節

祭日屆時贊引引正獻入祠垣右門詣階下盥手分贊引分獻隨入典儀贊執事員各司其事贊獻官就位引正獻分獻各就拜位北嚮立典儀贊關戶有司關戶訖贊迎神四拜正獻分獻皆行四拜禮跪拜再拜三拜四拜興贊奠帛爵行初獻禮司帛爵各捧帛爵進

神位前立贊引贊就奠帛位引正獻入殿右門就

肇聖王帛案前立贊獻帛正獻受帛拱舉仍授司帛奠於案正中退贊引贊就獻爵位引正獻就

肇聖王爵案前立贊獻爵正獻受爵拱舉仍授司爵奠於爵墊正中退以次就左

裕聖王右

詒聖王次左

## 密縣志

卷九 典禮

十四

河南印刷局印

昌聖王次右

啟聖王位前奠帛獻爵儀同贊引贊復位引正獻仍山殿右門出復拜位立分贊引分獻入殿左右門分就

配位前引兩廡分獻分就兩廡

從位前奠帛獻爵復位均如正獻儀司祝就祝案前捧祝版至案左先立贊引引正獻進殿右門就讀祝位正立典儀贊讀祝司祝讀祝畢正獻受祝版拱舉仍授司祝司祝捧祝版至

正位前安於筐內退贊引贊復位引正獻出殿右門復拜位立典儀贊四拜正獻分獻皆行四拜禮跪拜再拜三拜四拜興典儀贊行亞獻禮司爵各捧爵進神位前立贊引贊就獻爵位引正獻進殿右門就

肇聖王爵案前立贊獻爵正獻受爵拱舉仍授司爵奠於爵墊左退以次就左

裕聖王右

詒聖王次左

昌聖王次右

啟聖王位前獻爵儀同贊引贊復位引正獻仍由殿右門出復拜位立分贊引分獻分就

配位

從位前獻爵復位均如儀典儀贊行終獻禮司爵各捧爵進

神位前立贊引贊就獻爵位引正獻進殿右門就

肇聖王爵案前立贊獻爵正獻受爵拱舉仍授司爵奠於爵墊右以次就左

裕聖王右

## 密縣志

卷九 典禮

十五

河南印刷局印

詒聖王次左

昌聖王次右

啟聖王位前獻爵儀同贊引贊復位引正獻仍由殿右門出復拜位立分贊引分獻分就

配位

從位前獻爵仍均如儀典儀贊徹饌司爵各進

神位前徹籩豆各一少移故處退贊送

神四拜正獻分獻皆行四拜禮跪拜再拜三拜四拜興典儀贊奉祝帛送燎司祝帛爵各

進

神位前奉祝帛酒饌依次送往燎爐時正獻避立西旁俟祝帛過畢仍復拜位立司燎數

帛典儀贊闔戶有司闔戶訖贊禮成贊引引正獻仍由祠垣右門出分獻隨出各退





秋祭南呂爲宮仲呂起調  
即今之尺字調  
翻作小工調

迎神樂昭和之章

尺角 大六羽 哉五商 孔上商 子尺角 先六羽 覺凡徵 先尺角 知上商 與乙商 天尺角 地乙商 參尺角 萬六羽 世凡徵 之尺角 師尺角 祥尺角

初獻樂雝和之章

尺角 予六羽 懷乙宮 明上商 德尺角 玉凡徵 振乙宮 金六羽 聲凡徵 生上商 民乙宮 未凡徵 有尺角 展乙宮 也上商 大尺角 成上商 俎尺角

亞獻樂熙和之章

尺角 式六羽 禮乙宮 莫上商 愆尺角 升凡徵 堂尺角 再乙宮 獻六羽 響凡徵 協尺角 叢乙宮 鏞上商 誠尺角 孚凡徵 壘尺角 甌六羽 肅尺角

密縣志

卷九 典禮

十七

河南印刷局印

終獻樂淵和之章

尺角 自六羽 古乙宮 在尺角 昔上商 先凡徵 民尺角 有乙宮 作六羽 皮尺角 弁尺角 祭乙宮 菜六羽 於凡徵 論尺角 思上商 樂乙宮 惟尺角

徹饌樂昌和之章

尺角 先六羽 師尺角 有上商 言尺角 祭六羽 則凡徵 受六羽 福尺角 四乙宮 海六羽 鬻尺角 宮凡徵 疇乙宮 敢上商 不乙宮 肅六羽 禮尺角

送神樂德和之章

尺角 鳧六羽 繹凡徵 羲上商 羲尺角 洙尺角 泗六羽 洋乙宮 洋上商 景凡徵 行尺角 行尺角 止凡徵 流乙宮 澤上商 無尺角 疆上商 聿尺角

樂器 麾 金鐘 玉磬 鼓 祝 敵 琴 瑟 笙 搏拊 排簫 笛 簫 壎

箎

舞譜

初獻

自 稍前向外開籥舞

民 合手蹲朝上

誰 兩兩相對蹲東西相向

其 正揖

惟 兩兩相對自下而上東西相向

神 中班轉身東西相向立惟兩中班十二人轉身俱東西相向

度 稍前向外垂手舞

生 蹈向裏開籥舞

來 起辭身向外高舉籥面朝

底 合手蹲朝上

盛 起平身出左手立

師 稍前舞舉籥垂翟

明 舉翟三合舞

越 蹈向裏垂手舞

密縣志

卷九 典禮

十八

河南印刷局印

前 向前合手謙步雙手合籥

染 正蹲朝上

具 正揖

禮 兩兩相對文籥兩班俱東西手執籥

期 向外退挽手舉籥向外面朝上

黍 稍前舞

非 左右垂手兩班上下俱雙垂手東西相向

惟 左右側身垂手向外開籥垂手舞

之 正揖朝上

聖 回身再謙退步側身向外高手回面向上

帛 稍舞躬身挽手側身向外呈籥耳邊面朝上

成 起辭身挽手復舉籥正立

容 正揖

稱 回身正立

稷 正蹲朝上

馨 起合手相向立

神 右側身垂手向立垂手

聽 躬而受之躬身朝上拱籥而受之三鼓畢起

亞獻

大 左右進步向外垂手舞

聖 向外落籥面朝上

實 正蹲

生 向裏舞

作 兩兩相對自下而上兩班相舉籥東西向

以 轉身東西相向立

時 稍前舞蹈兩班上下俱垂手向外

舞 合手謙退步向前垂手合舞

清 稍前舞向外開籥翟

惟 平手雙執籥翟開籥翟

哉 右向裏垂手舞

師 退向正身立

天 起身向前轉向外舞

德 合手謙進步向前雙手合籥蹲謙

樂 上下俱垂手惟兩中班上下十二人俱垂手轉身東西向

崇 相向立兩班上下以翟相籥

祀 向裏垂手舞

斲 回身再謙兩班上下東西相向合籥立

酤 向裏舞

馨 合籥翟朝上正立

密縣志

卷九 典禮

十九

河南印刷局印

嘉 側身垂左手兩班俱垂手向外舞

孔 雙手舞籥翟射身

薦 一叩頭舉右手叩頭

神 復舉右手叩頭

庶 三舞蹈舉籥向左躬身舞

昭 舉籥復向左躬身舞

三獻

百 向外開籥舞

宗 側身向外面朝上

生 兩班上下兩兩相對交籥

牲 躬身正揖

碩 躬而受之恭身朝上拱籥受之一鼓而起

羞 舉左手叩頭

明 拜一鼓畢即起躬身三鼓平身

幾 舉籥向右躬身舞

格 拱籥躬身而受之

王 向裏開籥舞

師 朝上正立

民 合手朝上正蹲

物 側身向裏落籥

軌 合籥朝上正立

瞻 向外開籥舞

之 向裏開籥舞

洋 開籥朝上正立

洋 合籥

神 向外開籥舞

其 向裏開籥舞

甯 進步向前雙手合籥

止 回身東西相向手謙

酌 向外開籥舞

彼 向裏朝籥舞

金 開籥朝上正立

壘 合籥朝上正立

惟 向外垂手舞

清 向裏垂手舞

且 朝上正揖

旨 躬身而受之

登 躬身向左合籥舞

獻 躬身向右合籥舞

# 密縣志

## 卷九 典禮

二十

河南印刷局印

惟 躬身復向左合籥

三 合籥朝上拜一鼓便起身

於 側身向外垂手舞

嘻 側身向裏垂手舞

成 朝上正揖

禮 躬身朝南受之三鼓畢起身

舞器 麾旛一桿 旗節一桿 籥三十六管 龍籥三十六柄

執事官生

糾儀官一員

樂舞生九十一名

執事生七十六名

贊禮生二十八名

聖廟祝文

維

先師德參造化道冠古今集羣聖之大成炳前知以垂憲天下為公中國一人之量生民

未有六經千載之心循宮牆而瞻富美入室升堂隆俎豆而奉馨香先明後法茲屆上  
丁祇率彝章肅展微忱聿將祀典以

復聖顏子

宗聖曾子

述聖孔子

亞聖孟子配鳴呼聲名所屆血氣莫不尊親光景常新禮樂明其禋祀尙饗

崇聖祠祝文

維

王垂裕後昆光開聖緒爲層冰之積水作大輅之椎輪旣祖功而宗德必有達人亦木本  
而水源不忘數典茲屆上丁聿修祀事以

## 密縣志

卷九 典禮

二十一

河南印刷局印

先賢孔氏

先賢顏氏

先賢曾氏

先賢孔氏

先賢孟氏配尙饗

歷代尊孔紀畧

漢高帝十二年冬十一月自淮南過魯以太牢祭孔子又封九代孫騰爲奉祀君

此後世帝

王祀孔及推恩聖裔奉祀之始

元帝永光元年賜十三代孫霸爵關內侯號褒城君詔以所食邑祀孔子

此聖裔封侯之始

平帝元始元年加封霸曾孫爲褒城侯夏六月追謚孔子爲褒城宣尼公

孔子有謚蓋始於此

東漢光武建元五年冬十月帝征董憲過魯使大司空以太牢祀孔子此遣官詣闕里祭告之始

明帝永平二年冬十月養三老五更於辟雍令郡縣道行鄉飲酒禮於學校皆祀周公孔子牲以犬此國學郡縣祀孔子之始

十五年帝東巡過魯幸孔子宅祀仲尼七十二弟子此幸闕里及弟子從祀之始

魏齊王芳正始二年春二月使太常釋奠以太牢祭孔子於辟雍顏淵配此國學釋奠以弟子配享子始

晉武帝泰始七年皇太子講孝經通親以太牢祀孔子此太子釋奠之始

成帝咸康元年帝講詩經通親釋奠按古者幸學皆命有司行事天子視之而已此天子親祭國學之始

宋文帝元嘉二十三年皇太子釋奠於太學用登歌此釋奠用樂之始

北魏孝文帝太和十六年改謚孔子曰文宣尼父遣官就廟行冊禮帝復齋中書省親拜

祭於廟此天子親拜之始又每歲春秋二仲列軒縣樂六佾舞行三獻禮每月旦祭酒領博士以

# 密縣志

## 卷九 典禮

二十二

河南印刷局印

下及諸生拜孔揖顏郡縣學博士以下亦每月朔行禮此後世春秋釋奠及朔日行禮之始

北周宣帝大象二年恭聖侯晉爵鄒國公此聖裔晉公爵之始

唐太宗貞觀二十一年詔以左邱明以下二十二人並配享此先儒配享之始又國學設奠令國子

祭酒為初獻祝辭稱皇帝謹遣仍令司樂為亞獻博士為終獻其諸州刺史為上獻上

佐為亞獻博士為終獻縣學令為初獻丞為亞獻博士既無秩主簿及尉為終獻國學

祭以太牢用軒縣六佾之舞並登歌一部與大祭祀遇改用中丁縣常用上丁無樂祭

以少牢此後世國學遣官設奠並直省以長官主祭之始

元宗開元八年詔以十哲為坐像悉與祀曾參特為之像坐亞之圖七十子二十一賢於

廟壁此十哲配祀之始

十三年幸孔子宅親釋奠遣禮部尚書蘇頌以太牢祭孔子墓此遣官祭墓之始

二十七年追謚孔子爲文宣王贈十哲爲公侯曾參以下六十七人爲伯

此孔子封王弟子封公侯伯之始

穆宗元和十三年恩詔予文宣公一子

此聖裔任子之始

宋太祖建隆三年詔祭文宣王用一品禮立十六戟於廟門

此列戟之始

太宗太平興國三年以十四世孫宜襲封文宣公

按五代以來襲封廢絕至是復

眞宗大中祥符元年追封叔梁紇齊國公顏氏魯國太夫人丁官氏鄆國夫人

此追封先代及妻之始

又帝謁孔子廟幸孔林降輦乘馬至墓設奠再拜

此幸孔林拜墓之始

天禧元年以文宣公知仙源縣

曲阜此聖裔知改名本縣之始

仁宗至和二年改封孔子四十六代孫宗愿爲衍聖公

此封衍聖公之始

徽宗崇甯三年詔文宣王殿以大成爲名

此大成名殿之始

高宗紹興八年詔衍聖公於衢州賜田奉祀

高宗南渡孔氏率族如衢

# 密縣志

## 卷九 典禮

一二十三

河南印刷局印

十四年帝幸太學止輦大成門外升東階跪上香執爵祭酒再拜

此幸學跪拜降輦門外之始

金章宗明昌三年詔令迴避周公孔子之名

此避聖諱之始

夏仁宗乾祐二十三年尊孔子爲文宣帝

此特尊爲帝也

元文宗至順元年詔加封叔梁紇爲啟聖王顏氏爲啟聖王夫人二年封丁官氏爲大成

至聖又宣王夫人

此先代及妻加封之始

明太祖洪武三年詔設孔顏孟三氏學改世襲曲阜知縣爲世職知縣以孔氏子弟在

曲阜者除授

此設三氏學曲阜知縣世職之始

十五年南京大學成去塑像設木主

此聖廟設木主之始

二十六年頒大成樂於天下

此都縣用樂之始

成祖永樂四年三月帝親釋菜服皮弁行四拜禮

此釋菜四拜之始



英宗正統三年詔加封伯魚曾皙公爵偕顏孟父俱配享啟聖王殿 此啟聖祠配享之始

九年三月帝幸學釋菜命行人官取衍聖公及三氏子孫赴京觀禮定為令 此衍聖公及三氏子孫赴

京觀禮之始

天順十六年命所在過孔門者皆下馬 此過廟下馬之始

景帝景泰二年詔以顏孟後並為五經博士世襲奉祀

六年詔以周敦頤程頤朱熹後並為世襲五經博士 此先賢後裔世襲博士之始

武宗正德元年命南京孔彥繩為世襲五經博士奉衢州孔子廟祀

二年以北京孔聞禮為世襲五經博士主子思子中庸書院祀 此南北京並置博士之始

世宗嘉靖九年詔孔子神位稱至聖先師去位號四配十哲以下去公侯伯爵 此孔子稱至聖先師之始

十四年冬置世襲國子學正奉儀奉孔子廟祀 此世襲國子學正之始

# 密縣志

## 卷九 典禮

一二十四

河南印刷局印

神宗萬曆二十八年詔國學先師廟易以琉璃瓦 此先師廟用琉璃瓦之始

清太宗崇德元年遣官祭孔子廟

五年定春秋一仲上下行釋奠禮

世祖順治元年定月朔及進士釋褐釋菜禮月望行香儀又衍聖公封爵一如前朝階正

一品班列尙書上

二年改賜三台銀印又衍聖公嫡長子年至十五歲授二品冠服

聖祖康熙九年詔頒臥碑於天下學宮

二十三年幸魯親釋奠孔子行三跪九叩禮旋幸孔林行一跪三叩頭禮製萬世師表

四字懸大成殿明年頒天下學宮二十八年製孔子贊并顏曾思孟贊

四十九年詔直省同城大小武職一體入聖廟行禮

六十一年詔以衍聖公視正一品廕子五品官著爲令

世宗雍正元年詔改幸學爲詣學三月詣學行釋奠禮六月曲阜孔廟災上具素服親詣國子監文廟行祭告禮駕出東華門不設鹵簿不鳴鐘不陪祀王大臣官員不迎送

二年詔追封孔子先世五代爲王啟聖祠改爲崇聖祠

三年頒御書生民未有額於天下文廟詔郡縣學二祭增用太牢又諭先師孔子聖諱理應迴避查毛詩及古文此文讀作期音者甚多嗣後除四書五經外凡遇此字並加卩旁爲邱地名亦不必改易但加卩旁讀作期音庶協尊崇之意

五年詔查八月二十七日恭值至聖誕辰內文武各官各軍民人等致齋一日不理刑名禁止屠宰著爲令又定制省會之區凡遇丁祭督撫學政皆親詣行禮毋得先行祭丙苟簡從事

## 密縣志

### 卷九 典禮

一二十五

河南印刷局印

七年重修闕里文廟成新塑聖賢之像聖像冕十二旒服十二章啟聖及先賢冕九旒服九章用玄衣纁裳頒發鎮圭

高宗乾隆二年詔以闕里文廟世宗憲皇帝特命蓋易黃瓦辟雍規制宜加崇飾大成門大成殿著用黃瓦崇聖祠著同綠瓦以昭展敬至意

三年頒御書與天地參額於天下學宮

九年詔禁止北省立三教堂道流建醮以天尊之號謬加聖人

十二年駕至曲阜是日先詣廟行香行三跪九叩頭禮次日親釋奠遂詣孔林行一跪三叩頭禮詔蠲免山東錢糧廣山東學額數拔十三世子孫貢入成均錫賚各有差

十三年詔令曲阜知縣在外揀選補用

仁宗嘉慶五年頒御書聖集大成額於天下學宮

宣宗道光頒御書聖協時中額於天下學宮

文宗咸豐頒御書德齊幃載額於天下學宮

穆宗同治頒御書聖神天縱額於天下學宮

德宗光緒三十三年詔孔子升大祀頒御書斯文在茲額於天下學宮

宣統元年頒御書中和位育額於天下學宮

關岳廟 每歲春秋分節氣後第一戌日致祭

關壯穆侯

岳忠武王

祭品 帛二 登二 鉶二 簋二 籩二 籩十 豆十 牛一 羊一 豕一

尊二 爵六

# 密縣志

## 卷九 典禮

二十六

河南印刷局印

東序從祀十二位

張飛 王濬 韓擒虎 李靖 蘇定方 郭子儀 曹彬 韓世忠 旭烈兀 徐達

馮勝 戚繼光

祭品 帛二 鉶一 簋一 籩一 籩四 豆四 羊一 豕一 尊二 爵六

西序從祀十二位

趙雲 謝玄 賀若弼 尉遲敬德 李光弼 王彥章 狄青 劉錡 郭侃 常遇

春 藍玉 周遇吉

祭品與東序同

關岳廟禮節

祭日屆時正獻以下皆具祭服集致齋所正獻盥手閱祝版署名訖司祝進奉於祝案

俟鼓三嚴贊引引正獻入武成門左門分贊引分獻傳贊引與祭員隨入典儀贊樂舞生就位執事員各司其事贊獻官就位正獻分獻及與祭員各就拜位北嚮立贊迎神司樂贊舉迎

神樂奏建和之章樂作贊引贊再拜傳贊贊衆官皆拜正獻分獻及與祭員皆行再拜禮跪拜再拜興樂止典儀贊奠帛爵行初獻禮司樂贊舉初獻樂奏安和之章司帛爵捧帛爵各進

神位立樂作贊引贊詣奠帛位引正獻入殿左門詣

關壯穆侯帛案前立贊奠帛正獻受帛拱舉仍授司帛奠於案正中退贊詣獻爵位引正獻詣

關侯爵案前贊獻爵正獻受爵拱舉仍授司爵奠於爵墊正中退贊詣奠帛位引正獻詣

## 密縣志

### 卷九 典禮

一二十七

河南印刷局印

岳忠武王帛案前奠帛贊詣獻爵位引正獻詣

岳王爵案前獻爵均如前儀贊復位引正獻仍由殿左門出復拜位立分贊引兩序分獻入殿左右門各就案前立受帛爵拱舉仍授司帛爵獻於案上退司祝就祝案前捧祝版至案西先立樂暫止贊引贊詣讀祝位引正獻進殿左門詣讀祝位正立典儀贊讀祝司祝讀祝畢正獻受祝版拱舉仍授司祝司祝奉祝版至

關侯位前安於篚內退樂復作贊引贊復位引正獻出殿左門復拜位立樂止典儀贊行亞獻禮司樂贊舉亞獻樂奏靖和之章樂作司爵捧爵分詣

神位前拱舉各奠於左退樂止典儀贊行終獻禮司樂贊舉終獻樂奏康和之章樂作司爵捧爵仍分詣

神位前拱舉各奠於右退樂止典儀進至殿東西嚮立贊受脈退贊引贊詣受脈位引正

獻進殿左門詣受脈位正立司脈執脈至

正位前拱舉退立於正獻之左接脈進立於右贊引贊受脈正獻受脈拱舉授於右贊復位引正獻出殿左門復拜位立贊再拜傳贊贊衆官皆拜正獻以下皆行再拜禮如前典儀贊徹饌司樂贊舉徹饌樂奏蹈和之章樂作司爵各進

神位前徹籩豆各一少移故處退樂止典儀贊送

神司樂贊舉送

神樂奏揚和之章樂作贊引贊再拜傳贊贊衆官皆拜正獻以下仍皆行再拜禮如前樂止典儀贊捧祝帛送瘞司祝帛爵各進

神位前恭捧祝帛酒饌依次送往瘞所時贊引引正獻轉立西旁俟祝帛過畢仍引復拜位立樂作司瘞數帛典儀贊禮成贊引引正獻出武成門左門分獻以下隨出至致齋

## 密縣志

卷九 典禮

二十八

河南印刷局印

所樂止正獻以下更衣各退

祝文  
惟

神武功彪炳偉烈昭垂建天節於千秋振英風於六合忠誠正直麗河嶽而長留智仁勇功與日星而並耀潔馨香而合祀德量同符肅俎豆以明禋心源如接惟祈

歆享克鑒精誠尙 饗

樂章

迎

神樂奏建和之章辭曰懿鑠兮神功震華夏兮英風義勇兮河東惟湯陰兮與同修祀典兮方州佇降歆兮闕宮

初獻樂奏安和之章辭曰神來兮格思風馬下兮靈旗量幣兮初陳薦芳馨兮玉卮瞻仰兮明威儼如在今軒墀

亞獻樂奏靖和之章辭曰萬舞兮洋洋禮再舉兮陳觴靈昭昭兮既留庶鑒誠兮降康終獻樂奏康和之章辭曰名世兮鍾靈炳河嶽兮日星祀事兮三成肅駿奔兮廟庭徹饌樂奏蹈和之章辭曰告徹兮禮成神其受兮苾芬明德兮惟馨播聲威兮八紘送

神樂奏揚和之章辭曰雲駕兮高翔神將歸兮九閭受福兮烝民導我武兮惟揚紀念

武昌起義陽歷十月十日是謂國慶懸旗致賀並追悼革命諸烈士  
南京政府成立紀念陽歷一月一日懸旗致賀

## 密縣志

卷九 典禮

二十九

河南印刷局印

北京宣布共和南北統一紀念陽歷二月十二日懸旗致賀國會開幕紀念陽歷四月初八日懸旗致賀

雲南倡義擁護共和紀念陽歷十二月二十五日懸旗致賀

各學校開學儀式

開學日由本校管教各員整齊衣冠率學生齊集禮堂向

聖人位前行三跪九叩禮畢各員西面學生東面向各員行一鞠躬禮退班散學時亦如之

已廢典禮

上祀

社稷壇 在縣治西門外民國五年經河南官產經理處變賣委員王洪達承賣捐入公

款局

每歲以春秋仲月上戊祭

祭品 帛一 羊二 豕二 鉶二 籩八 豆八 簠四 簋四 爵六

儀注 祀日承祭官及陪祭官各衣朝服由禮生引至壇前盥洗上香迎神二跪六叩  
初獻一叩讀祝一叩亞獻三獻均如初獻儀飲福受胙一叩謝福胙一詭三叩徹饌送  
神二跪六叩望燎一揖禮畢

中祀

先農壇 在城東五里民國五年經河南官產經理處變賣祀廢按 先農壇及藉田之  
設立始於清雍正五年每歲仲春亥日各率所屬官以及耆老農夫致祭  
先農之神照九卿耕藉行九推之禮

# 密縣志

卷九 典禮

三十

河南印刷局印

祭品 帛一 羊一 豕一 鉶一 籩四 豆四 簠二 簋二 爵三

儀注與社稷壇同

耕藉儀注 各官更蟒衣詣藉田行耕藉禮正印官秉耒佐貳捧青箱播種各官俱用  
右手扶犁左手執鞭各行九推禮農夫終畝畢各回官廳更朝衣望北闕恭行三跪九  
叩禮畢

神祇壇

按前清雍正三年議準直省府州縣

神祇壇設

風雲雷雨位於中設

山川位於左稱某府州縣境內

山川之神設

城隍位於右稱某府州縣

城隍之神每歲於春秋仲月上戊日致祭以地方正印官為主祀

另於教職內委監禮官二人佐貳雜職內委監視祭品官一人

其祭品則 帛一 羊三 豕三 饌案三 籩豆各四

簠簋各三 爵各三 其儀注與社稷壇同

羣祀

關帝廟

每歲以春秋二仲及仲夏中旬三日致祭自民國成立改爲武成殿與岳忠武王合祀而此典遂廢

# 密縣志

卷九 典禮

三十一

河南印刷局印

祭品 帛一 牛一 羊一 豕一 登一 鉶二 籩十 豆十 簠簋各二 鑪

一 鐙二 香盤三 尊三 爵九

五月十三日

聖誕 帛一 牛一 羊一 豕一 果五盤

儀注 祭日禮生引承祭官進左旁門盥洗畢至殿內行禮處上香迎神三跪九叩初獻三叩讀祝三叩亞獻三獻均如初獻儀飲福受胙三叩徹饌送神三跪九叩望燎一

揖禮畢

清雍正三年議準追封

關帝三代公爵襲造神牌奉安後殿於五月致祭外增春秋二祭

祭品 帛三 羊各一 豕各一 登各一 鉶各二 籩豆各八 簠簋各二 鑪



一 燈一 香盤三 尊三 爵九

儀注 承祭官詣各案前奉香行二跪六叩禮餘同前殿

文昌廟

清嘉慶六年禮部遵 旨議奏

文昌帝君仿照崇祀

關帝典禮一摺奉 旨依議欽此通飭各直省每年春秋二祭二月初三日

聖誕爲春祭八月欽天監選定吉日爲秋祭並製

文昌帝君先代神牌奉安後殿照

關帝後殿祀典致祭今廢

奎樓 上丁日祭其祭品爲 帛一 羊豕各一 爵六

# 密縣志

卷九 典禮

三十二

河南印刷局印

籩豆各四 簠簋各一 其儀注爲一跪三叩今廢

忠義祠 祀常十以下十二人

節孝祠 祀旌表入祠者

名宦祠 祀卓茂以下七人

鄉賢祠 祀侯霸以下九人

按前清時代孔廟左右各建以上四祠每歲春秋釋奠畢教諭一人公服詣祠致祭其

祭品儀注與祀奎樓同今廢

厲壇

每歲清明七月望十月朔祭厲壇於城北郊先期守土官飭所司具香燭公服詣

城隍神以祭厲告黎明禮生奉

城隍神入壇引守土官詣

神位跪興如儀畢仍奉

城隍神還廟

城隍位祭品 帛一 羊一 豕一 爵三 饌案一

邑厲位陳設 羊三 豕三 米飯三斗

城隍聖誕每年五月二十八日祭其祭品為 帛一 羊一 豕一 爵三 饌案一

其儀注為二跪六叩

虫王廟

每年六月十二日祭 祭品同上 儀注一跪三叩

八蜡祠

清乾隆三年以劉猛將軍配

# 密縣志

## 卷九 典禮

三十三

河南印刷局印

揚威侯祠 以上隨 社稷壇祭

土地祠 隨壇祭 又每年二月初二日祭

火神廟 每年六月二十三日祭

以上祭品儀注與 蟲王廟同

旗纛

每歲端午霜降日於演武場祭之

祭品 帛一 爵三 豕首一 饌案一 儀注同上

馬王廟

每歲春秋仲月上戊日祭 又六月二十三日祭

祭品 帛一 羊一 雞一 素饌一案 儀注同上

白龍王廟

每歲二月初二日祭 祭品儀注與 城隍聖誕同

卓君廟

每歲春秋仲月上戊日祭 又九月初四日祭祭品同上儀注一跪三叩

藥王廟

以下皆不奉勅

每歲九月十五日祭 祭品同上儀注二跪六叩

大王廟

每月朔望行二跪六叩禮

城門

每新官蒞任一祭 祭品儀注與旗纛同

# 密縣志

卷九 典禮

三十四

河南印刷局印

獄神廟

朔望行香無祭期祭品

三官廟

祝文

社稷壇祝文

清乾隆八年頒

惟 神贊襄天澤福佑蒼黎佐靈化以流行生成永賴乘氣機而鼓盪溫肅攸宜磅礴  
高深長保安貞之士憑依鞏固實資捍禦之功幸民俗之殷盈仰神明之庇護恭修歲  
祀正值良辰敬潔豆籩祗陳牲幣尚 饗

先農壇祝文

惟 神肇興稼穡粒我蒸民頌思文之德克配彼天念率育之功陳常時夏茲當東作

咸服先疇洪惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沐於神庥庶幾九穗雙岐上瑞頻書於大有尙饗

神祇壇祝文

惟 神奠安九土粒食萬邦分五色以表封圻育三農而蕃稼穡忝承守土肅展明禋時屆仲春敬修祀典庶丸丸松柏鞏盤石於無疆翼翼黍苗佐神倉於不匱尙饗

奎樓祝文

惟 神七星冠首六合承輝德耀青陽祐人才而奮起祥開紫電煥文運之光昌天象照臨士林忭慶敬修禋祀肅展微忱尙饗

關帝祝文

惟 帝浩氣凌霄丹心貫日扶正統而彰信義威振九州完大節以篤忠貞名高三國

密縣志

卷九 典禮

三十五

河南印刷局印

神明如在徧祠宇於寰區靈應丕昭薦馨香於歷代屢徵異蹟顯佑羣生恭值良辰遵行祀典筵陳籩豆几奠牲醪尙饗

關帝先代三公祝文

惟 公世澤貽庥靈源積慶德能昌後篤生神武之英善則歸親宜享尊崇之報列上公之封爵錫命優隆合三世以肇禋典章明備恭逢諏吉祇事薦馨尙饗

八蜡祠祝文

於惟 尊神實司歲功驅螽斂膳五谷乃豐茲當歲禴虔具犧牲神其保佑惠此生靈尙饗

旗纛祝文

惟 神旗纛是司三軍所視威揚閩外疆圉是恃霜露既肅仰答膚功神其有靈歆此

菲供尚饗

祭城門祝文

詔命臨民職司守土惟兆人之攸賴並藉神功冀四序之常調羣蒙福蔭必使雨暘應候爰占物阜而民安庶其寒燠咸宜共慶時和而歲稔仰靈樞之默運聿集嘉祥襄元化以流形俾無菑害尚饗

忠義孝弟祠祝文

惟 靈稟賦貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性摯蒿莪克恭念天顯之親情殷棣萼模楷咸推夫懿德

節孝祠祝文

節孝祠祝文

密縣志

卷九 典禮

三十六

河南印刷局印

惟 靈純心皎潔令德柔嘉矢志完貞全閨中之亮節竭誠致敬彰壺內之芳型茹冰

蘖而彌堅清操自勵奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊醪尚饗

名宦祠祝文

於惟 諸公檜陽先正彬彬濟美爲憲爲令宜民宜人福有餘慶我後之人繩武是競

惟茲仲春 謹以牲帛醴醑粢盛庶品之儀祇薦於神尚饗

鄉賢祠祝文

於惟 諸公檜陽粹英允文允武克孝克忠泰山喬嶽月旦有聲千秋萬禩俎豆光榮

惟茲仲春 謹以牲帛醴醑粢盛庶品之儀祇薦於神尚饗

文昌廟祝文

清嘉慶六年頒定

惟神蹟著西垣樞環北極六匡麗曜協昌運之光華百代垂靈爲人文之主宰扶正久  
彰夫感召薦馨宜致其尊崇茲屆仲秋 春用昭時祀尙其歆格鑒此精虔

### 文昌三代祝文

祭引先河之義禮崇反本之思矧夫世德彌光延賞斯及祥鍾累代炯列宿之精靈化  
被千秋緯人文之主宰是尊後殿用答前庥茲值仲秋 春肅將時祀用申告潔 神其格  
歆

### 拜牌儀注

皇帝萬壽節 於法海寺安設龍亭文武各官衣朝服行三跪九叩禮前後三日俱蟒服  
坐班

皇后千秋暨元旦長至各節儀注俱同惟不坐班

## 密縣志

### 卷九 典禮

三十七

河南印刷局印

### 接詔儀注

詔書至文武各官俱朝服經郭肅迎朝使捧詔書置龍亭衆官行三跪九叩禮至公庭  
時亦如之展讀畢三品以上官跪請聖安退易服與朝使行禮如經過或止宿於郵亭  
設香案供奉三跪九叩迎送皆道右跪候本縣遇有 恩詔其跪迎開讀儀注同

### 迎春儀注

每歲先期塑造春牛及芒神立春前一日各官朝服迎於東郊祭勾芒神行三跪九叩  
本日衣告服祭勾芒神同前禮畢各執綵杖正官擊鼓三聲環鞭土牛者三

### 朔望儀注

每月朔望 長官及僚屬謁廟行香行三跪九叩禮畢率僚屬暨鄉約木鐸老人司約人等齋至講約所由司講生恭捧聖諭登台宣讀畢退

### 祈禱儀注

設香案於城隍廟

或龍神廟僧道開壇誦經各官俱衣素服步行至廟行一跪三叩禮宣疏文亦如之祈雨則注水盈缸滿插柳枝

救護儀注

日月薄蝕時

露台設香案儀門列金鼓各官俱素服齊集台上初虧行三跪九叩禮正印官上香擊鼓三聲金鐵齊鳴食甚再行三跪九叩禮復圓時亦如之

到任儀注

凡新官蒞任行至郭外更蟒衣祭城門一跪三叩入東門避覺宮遶後街至儀門祭儀與城門同登露臺更朝服望闕謝恩三跪九叩拜印一跪三叩更蟒服祀竈一跪三叩發梆升堂皂隸排衙陰陽生報吉時用印三顆書吏衆役以次叩賀堂吏稟事畢回署次早謁廟行香

開印儀注

屆期備鼓樂鳴炮開門設香案於大堂正官著朝服上堂拜印衆官隨班行三跪九叩

## 密縣志

卷九 典禮

三十八

河南印刷局印

禮望闕謝恩亦如之禮畢更蟒服陞公座各官稟賀堂吏請開印發僉押牌皂隸排衙書役叩賀畢鼓吹鳴炮封門典吏捧印進署

封印儀注

屆期正官著朝服上堂陞公座鳴炮開門吏房請印封印大吉四字用印三顆典吏書役分班叩賀畢設案率領各官拜印行三跪九叩禮各官旁立鳴炮掩門鼓樂迎印進署

鄉飲酒儀注

每歲正月十五月初一在儒學舉行先期執事者於儒學講堂陳設坐次司正率執事者習禮至日宰牲具饌主席及僚屬司正先詣學遣人速賓比至執事者先報賓至主席率僚屬出迎門外主東賓西三揖三讓而後升堂東西相向兩拜賓坐執事又報

僕至主席仍率僚屬出迎揖讓升堂拜坐如前儀賓介俱至各就位司正揚觶由西階至堂中北向立賓僕以下皆立各揖執事者以觶酌酒授司正司正舉酒曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生語竟司正飲酒畢一揖賓僕以下皆揖各復位次讀律令讀者向北立案前賓僕以下皆立行揖禮如前讀畢各復位次舉饌執事者舉案至賓前次僕次介次主三賓以下各以次舉訖賓主起席北面立執事酌酒授主主詣賓前置於席稍退兩拜賓答拜次酌酒詣僕前交拜如前儀畢主退復位賓僕酬酒交拜亦如之畢執事分左右立介以下以次酌酒或三行或五行供湯三品畢徹饌賓主皆起僕主僚屬居東賓介三賓衆賓居西兩拜送賓以次下堂分東西行三揖出門而退

## 密縣志

### 卷九 典禮

三十九

河南印刷局印

凡鄉飲酒禮序長幼崇賢良別奸頑其坐位年高德邵者居上高年淳篤次之次序齒違條犯法者不與焉主以知縣爲之位東南大賓以致仕官爲之位西北僕以里中年高有德者爲之位東北介以次長位西南三賓以下之次者爲之位於賓主介僕之後除賓僕外衆賓序齒僚屬序爵司正以教官爲之贊禮以老生員爲之

初歌鹿鳴首章

次歌南山首章

三歌湛露首章

終歌天保首章

鄉約儀注

凡縣城及四鄉各立講約所每所設約正一人以老誠有學行者充之復選樸實謹守者爲直月置勸善規過二籍由直月掌之月朔預約同鄉齊集約所相對三揖以次分左右立設案於庭中直月北面抗聲宣講聖諭廣訓約正復推闡其說必使剴切詳明



衆皆通曉講畢鄉人有善者衆推之有過者直月究之約正詢其實狀命直月分書於籍善者由直月朗讀過者由衆人默視事畢揖退年終則綜核善過彙冊呈報縣署以爲勸懲過而能改一體獎勵

### 賓興儀注

凡大比之年先試期一月知縣擇吉具啟延致應試諸生屆期大堂設宴演劇駕登瀛橋諸生晉謁行四拜禮見學師三揖即席知縣命送酒三巡諸生簪花披紅由彩橋出送至大門外禮畢

### 送學儀注

凡歲科試新進紅案到縣擇日設席於大堂諸生著藍衫分班參見行四拜禮即席給花紅鼓樂前導送至

## 密縣志

卷九 典禮

四十

河南印刷局印

孔廟墀下行三跪九叩禮次詣明倫堂知縣與學師交拜新生參見學師行四拜禮宣讀臥碑即席飲三巡起立新生向上三揖退

